

522	Wellestû behalten dînen lîp, sô lâ diz trûgehafte wîp rîten und kêre von ir. nû prûeve selbe ir rât an mir.	
5	doch möhte ich harte wol genesen, ob ich bî ruowe solte wesen. des hilf mir, getriuwer man.« Dô sprach mîn hêr Gawan: »nim aller mîner helfe wal.«	dar h. mir, *T · vil getriuwer man.« *G (nur GI)
10	»hie nâhen stêt ein spitâl«, Alsô sprach der rîter wunt. »kæme ich dar in kurzer stunt, dâ möht ich ruowen lange zît. mîner vriwendinne runzît	m. vrouwen r. *T (nur T)
15	hab wir noch stênde al starkez hie. nû heb si drûf, mich hinder sie.« Dô bant der wol geborne gast der vrouwen pfert von dem ast; er woltz ziehen nâher ir.	noch om. *T
20	der wunde sprach: »hin dan von mir! wie ist iuch tretens mich sô gâch?« er zôch ez ir verre; diu vrouwe gienc nâch, sanfte unt doch niht drâte, al nâch ir mannes râte.	ir om. *T I Z s., doch *G (ohne L)
25	Gawan ûf daz pfert si swanc. innen des der wunde rîter spranc ûf Gawans kastelân. ich wæne, daz was missetân. er unt sîn vrouwe riten hin;	↓*G *T
30	daz was ein sündehaft gewin.	ein schadehaft g. *G (nur GI) (T)

---

\*D: D \*m: m \*G: G I (mit 522.12<sup>1</sup>) L Z (ohne 522.23–24) \*T: T U V O

---

1 Initiale D G L Z O 8 Majuskel D T 9 Initiale I 11 Majuskel D 17 Majuskel D T 20 Majuskel T 25 Initiale m

---

2 diz] daz \*m O 5 möhte] mohte D 6 ruowe] triuwe \*m 7 hilf] hilf (hilft m) dû \*m 13 möht] moht D 15 stênde] stên \*m 16 nû hebe si dar ûf; nû hinder sie!« \*m 19 er] und \*m 22 ir] om. \*m 23 vil sanft und niht zuo drât, \*m 28 was] wær \*m 29 er unde diu vrouwe riten hin; \*G · er unde sîn wîp ([die \*]: sîn vrowe V), die (sie U [O] om. V Z) riten hin; \*T (Z) · sîn] diu \*m